


Regd No. SR 7 of 1977

ZORAM UPA PAWL DAN BU

(Constitution of Zoram Aged Persons Association)



MIZ
342.03
ZOR

Mizoram State Library
DG3470



ZORAM UPA PAWL

ZORAM UPA PAWL DAN BU
(Constitution of the Zoram Aged Person Association)
Regd. No. SR. 7 of 1977

Mizoram State Library
DG3470



ZORAM UPA PAWL HEADQUARTERS AIZAWL, MIZORAM.

**PUBLISHED
BY
ZORAM UPA PAWL HEADQUARTERS
AIZAWL, MIZORAM.**

**Set Forth - 1960
Revised - 1975
Revised - 1982**

Revised Edition
© Zoram Upa Pawl

MIZORAM STATE LIBR.
Acc No ---
Acc by ---
Class by ---
Cata by ---
Sub Headings by ---
Translating by ---
Locality No ---
PRINTED ---
BY ---
KWALITY PRESS
MISSION VENG
AIZAWL.

THUHMAHRUAI

Kum 1960 ah Z.U.P. din ɻan a ni a.
Z.U.P.

Dân bu pawh Pu P.S.Dahrawka'n a duan chhin (draft) angin, Z.U.P. Executive Committee-in a pawm a, a bu chu chhuah nghal a ni.

Kum 1975-ah Z.U.P. Dân bu chu en-nawna siam ɻhat leh belchhah a ni a.

Kum 1978-ah Z.U.P.-ah Mizo nilo te an lo tel ve avângin Dân bu chu Pu R.Buchhâwnan, Sâptawngin a letling a, chu chu Press-ah chhuta chhuah a ni bawk a.

Kum 1982 February thlaa Z.U.P. Assembly chuan Z.U.P. Dân bu chu, Pâwl lo ɻhang zêl atâna remchânnna ngaihtuaha siam ɻhat ni se a ti a, Assembly rîlangin, Z U.P. Executive Committee chuan Dân bu chu a siam ɻha leh ta a ni.

He Dân siam ɻathbi, thuleh awm hma chuan, Z.U.P. Dân bu atâna hman rih zêl tûr a ni.

Brig. Sapliana (R)
General Secretary
Z.U.P. Aizawl.

Lalmawia
President
Z.U.P. Aizawl

ZORAM UPA PAWL DAN BU

(Constitution of the Zoram Aged Persons Association)

BUNG I

1. Pawl hming :

He pâwl hi “Zoram Upa Pâwl” tia vuah a ni a, a lam tawi in Z.U.P. tih a ni.

2. Pawl chhinchhiahna (Emblem)

Tawlailir ke anga rin bial dokalhna pasarih awm, Dokalhna rin inkâr zêla hawrawp pakhat awm, MIZORAM tih ziak a ni a, a hnuaih rin kual pawn lamah UPA PAWL tih ziak a ni.

Hetiangin :—



Pawl chhinchhiahna (Emblem) awmzia :

- (a) Rin bial kual, Tawlailir ke anga bial hi
Mihring damchhûng hun hi, Tawlailir
ke angin hunin min vir liampui zêl a,
Upa pâwlte chu kan Dam chhûng hun
then tâwp lamah— Then ngana aṭanga
then sarihna lamah min viipui tawh tih
entirna a ni.
- (b) Bial chhûnga Dokalhna pasarihte hi,
Z.U.P. thiltum pasarihte entirna leh mi-
hiring dam chhûng hun sariba then
entirna a ni.
- (c) Bial hnuaiia Upa Pawl tih ziak hi : Dam
chhûng hun chanve piah lam kum 50
aṭanga a chunglam thleng tawh chin, a
Zo a vai, a hmei a pa huam vekin—
Upa Pâwla chhiar theih an ni tih entir-
na a ni.
- 3. **Pawla tel thei chin :** Mizo ramaln leh lo
nei, a hmei a pa, a Zo a Vaiin, kum
50 tling chin chu Zoram Upa Pâwlah a
tel thei a ni.
- 4. **Pawla tel man :** He Pâwla tel duh chuan
tel man (Admission Fee) Rs. 1/- (cheng
khat) a pe ang a, kum tin a pêk nawn
a ngai lo.

Kum tin Fee : (Annual fee) Rs. 1/-
 (cheng khat) chu Pâwla tel kum aṭangin
 kum tina pêk ziah tûr a ni.

(A awmzia chu, lo tel tharten Rs. 2/-
 an pe nghâl tûr tihna a ni.

BUNG II

5. Member insawn :

Z.U.P. Member tupawh a Unit awmna khua aṭanga hmun danga a insawn chuan, a awmna hlui aṭangin member a ni tih ziakna lehkha a la ang a, a insawnna Z.U.P. Unit-ah tel man chawi leh ngai lovin Z.U.P. Member-ah a tel lehnghâl thei sng. Z.U.P. awm lohnaa a insawn erawhchuan a awmna khuaa Unit din a nih hma chu Unit awm hnai berah a tel thei ang.

6. Pawl thiltomte :

- (1) Ram leh Hnam Hruaitute leh Sor-kâr pawh a theih ang kawng kawnga finchhuahpui.

- (2) Ram leh Hnam kalhmang leh nun-dân phung te, ɏhalo leh chhiatna kawng hawi ni ngeia hriatte kawng-dik kawh hmuh.
- (3) Zoram Political Party hrang brang te, thukhat vuaa thiltih a ɏul hun leh a ɏul dân thute a ngaihdân pêk ve ɏhin.
- (4) Ram leh hnam bmasâwnna kawng awm apiang dapchhuaha a tipuitling theitute finchhuahpui.
- (5) Hnam dân leh nunphung ɏhalo laite siam ɏhatna tûra kawng zawn.
- (6) Upa leh tupawh, harsatna kawng hrang hrang leh manganna nei te, hamtha zâwka an awm theihna kawng ngaihtuahpui.
- (7) Kum upat hnu pawha nun a hlim a, an hrisêl a, ɏangkaina an neih zêl theihna kawng ngaihtuah.

BUNG III

7. Zoram Upa Pawl Puipa (Office Bearer) te leh an mawhpburhna te :

(1) ZUP Headquarters chu, Aizawl a awm ang a, Headquarters-a a puipa (Office Bearer) te chu :—

- (i) President
- (ii) Vice President
- (iii) General Secretary
- (iv) Assistant Secretary
- (v) Treasurer
- (vi) Financial Secretary

Hêng Office Bearer zinga President, Vice President leh Treasurer te hi ZUP Assembly in kum thum chhûng atân an thlang thin ang. General Secretary leh Assistant Secretary leh Financial Secretary erawh chu Office Bearer thlanten kum thum chhûng atân an ruat ang.

(2) Z.U.P. Puipate mawhpburhna bik theuhte chu :—

(i) **President :**

(a) Z.U.P. Office Bearers Committee-ah te, Executive Committee-ah te, Assembly rorélnaah te

inkhâwmna kaihruaitu (Chairman) a ni ang.

- (b) Rorêlnaah ngaihdân inkalh a awm a, vote lâka a inzah chiah chuan Chairman-in tihtlûkna vote (casting vote) a nei ang.
- (c) Pâwl thiltih leh kalhmangah kaihruaitu ber a ni ang.

(ii) Vice President :

President puitu a ni ang a, President a awm loh chuan a ai a awh zêl ang.

(iii) General Secretary :

- (a) Pâwl rorêlnaah thurêl te, chhin-cnhiaha lo ziak te, a tûl anga rorêl thluk sa te bawhzuitu Pâwl lam thila lebkha lo lütte rêng rêng vawn that te, lehkha-thawn chhuah tûl thawnte office record rêng rêng, vawnfel leh vawnthat thuah mawh a phur ang.
- (b) President remtibpuin, Inkhanwm (Committee) a ko thin ang.
- (c) Assembly-ah Z.U.P. thiltihte leh chanchin pawimawh apiangte a report thin ang.

- (d) Committee inkhâwmnaah a hma a inkhâwmna hnubnung bera thuiêl ziak sa kha a chhuak chhuak thin ang.
- (e) Pawl dänin tûl a tih angin leh President-in a hri'h angin thil tûl dang rêng rêng a ti thin ang.

(iv) Assistant Secretary :

General Secretary hnathawh kawng tinrêngah tanpuitu a niang a, General Secretary awm loh apiangin, General Secretary hna a lo thawk thin ang.

(v) Treasurer :

Z.U.P. Pawisa (Grant emaw, Annual fee leh Membership fee emaw, kawng dang atangin emaw) lo lût rêng chu a lo dawng ang a, Bank-ah Financial Secretary hriatpuin a dah lût vat zêl ang a; Account bu fel takin a vawng ang. Tin, Assembly inkhâwmah Z.U.P. Pawisa dinhmun te a report thin ang.

(vi) Financial Secretary :

(a) Z.U.P. Pawisa lût leh chhuak

ziakna (Account) bu, Treasurer vawn nêna inrem zêlin a vawng ang a, Treasurerin Bank-a pawisa a dah luhte a hriatpui ang.

8. Committee member te:

Headquarters-a Office Bearer-ten, anmahni fiuchbuahpui tûr leh an thawhpui tûrin, mi 10 aṭanga 15 thlengin an ruat thei ang, chung an mi ruathote chu Committee Member an ni ang. Committee member an nih bun chhûng chu, Office Bearer te ang bawkin kum thum a ni ang.

(Committee Member hi a tûltâkah chuan, Office Bearer te hian midang 5 an ruat belh thei ang)

9. Executive Committee :

Headquarter-a Office Bearer te leh Committee Member an ruatte, Z.U.P. chungchâng ngaihtuaha an ḥukhâwm chu, "Executive Committee" tih a ni ang.

Executive Committee hi Assembly tih lohvah chuan, Z.U.P. chungchâng thua Committee sâng ber leh thuneituber a ni ang.

10. Assembly :

- (a) Assembly a tel tûrte chu: Headquarters puipate leh Committee Member te, Unit President leh Secretary leh Unit atanga palai tûra ruat pahnih aia tam lo an ni ang.
- (b) Assembly hi Z.U.P. rorêlna lamah chuan thuneibna sâng ber neitu a ni ang a; Assembly bmasa lama rorêl tawh emaw Executive Committee thurêl emaw, Pâwl dân bua thu awm te pawh thiata tidanglam theitu a ni ang.
- (c) Dân narânin Assembly chu kumtin vawikbat neih a ni ang a, tûl bikna leh thu bmanhmawh a awm erawh chuan Special Assembly koh theih a ni ang.

11. Adviser :

Headquarters Office Bearers te chuan anmahni finchhuahpui tûrin, mifel leh chinchâng hriaa an ngaih, mi pahnih Adviser atan an ruat thei ang a. Chûng Adviser-te chu a tûl angin Office Bearer inkhâwmnaah leh Executive inkhâwmnaah an tel ve thin ang.

BUNG IV

AREA :

1. Mizoram Sorkar Assembly bial (Constituency) khat zêl hi Z.U.P. Area khat a ni ang a, Area tinah Z.U.P. Area Committee din a ni ang; amaherawh-chu an Area-ah Unit 10 (sâwm) tal a awm tûr a ni.

Area tinte chuan hetiang hian Office Bearer leh Committee Member te an nei ve ang :—

President,	Vice President
Secretary,	Assistant Secretary
Treasurer,	Financial Secretary

Office Bearer-ten Committee Member atân mi 5 aṭanga 10 thlengin an ruat thei ang.

(2) Office Bearer thlan dan :

Area Office Bearer zinga President, Vice President leh Treasurer te chu Area Conference in kum thum chhûng atân an thlang ang a, Secretary leh Assistant Secretary leh Financial Secretary te chu: President leh Vice President leh Treasurer-ten, mi fel leh ḥha nia an briatte

an ruat ang. An mi ruat tûr Secretary pathum atân chuan kum 50 la tling lo pawh a tûl chuan ruat theih an ni ang. (Chûngte chu: Secretary, Assistant Secretary leh Financial Secretary te an nih kha)

(3) Area Office Bearers te leh Committee hnathawh dan leh thuneihna kalhmang :

Anmahni Area huam chhûngah chuan, Headquarters Office Bearers leh Executive Committee kalhmang ang kha a ni ang a. amahereawhchu Headquarters Office Bearers leh Executive Committee hnuaiah leh an thu angin an awmin bna an thawk ang.

(4) Tin, an Area chhûnga Unit-te chu Headquarters lam leh Assembly thu angin an kaibruaiin an ngaihsak ang a, an cbawkphûrin an harsatna te Headquarters-ah a tûl angin an thlen tbin ang.

12. Unit siam dan leh kalbmang :

(1) V/C kbat huam chhûng zêlah ZUP
Unit khat din theih a ni ang a,
Unit tinte chuan, Office Bearer mi
paruk an nei thei ang, chûngte chu :-

**President, Vice president,
Secretary Assistant Secretary,
Treasurer, Financial Secretary.**

(2) Committee Member siam dan :

Unit Office Bearer-te chuan an mahni bâkah Unit Committee member tûr chu mi 5 ałanga 10 thlengin, kum thum chhûng atân an ruat thei ang.

(3) Office Bearers thlan dan :

Unit Member zawng zawng in-khâwmin Office Bearer zinga President, Vice President leh Treasurer te chu kum thum chhûng atân an thlang ang a, Secretary, Assistant Secretary leh Financial Secretary tûrte chu, hêng an mi thlan: President Vice President leh Treasurer te hian mifel leh rintlâka an ngaihte chu kum thum chhûng atân an ruat ang.

(4) Unit Office Bearers te leh Committee memberte hnathawh dan kalhmang :

Anmahni Unit huam chhûngah chuan Headquarters Office Bearers leh Executive Committee te kalhmang ang kha a ni ang a; amah-crawhchu, Headquarters leh Area hotute thuhnuajah an awmin hna

an thawk ang a; Z.U.P. a telm (Admision fee) leh Annual fee khawn leh an pâwisa dawn chanve Headquarters-a thawn leh Unit chanvo fel taka then leh pe zêltu a ni ang.

13. Assembly leh Area Inkhawm palai im-tirh dan :

(1) Assembly palai turte :

- (a) Headquarters Office Bearers te leh Committee member te zawng zawng.**
- (b) Area Office Bearers-te zawng zawng tin, Office Bearer zingah palai kal thei lo an awm chuan kal thei lo aiah Committee member tirh theih a ni.**
- (c) Unit President leh Secretary leh Committee member emaw Office Bearers dangte zinga mi, mi pahnih, tin, Office Bearers emaw Committee member emaw zinga kal tûra ruatte zingah kal thei lo an awm chuan member nar-an pawh kal thei lo aiah tirh theih an ni ang.**

(2) Area Conference palai turtē :

Conference neihna bial huam chhūngā Area Office Bearer te leh Committee member te, Unit tin aṭangin President leh Secretary leh mi dang Committee member emaw member narān pawh pahnih; tin, Headquarters aṭanga Office Bearers te leh Executive Member tupawh a kal thei theite chu palaia chhiar tûr an ni.

14. Assembly leh Area Conference neih hun:

Dân narānin Assembly leh Area Conference te chu, kum khatah vawikhat neih a ni ang a, tûlna a awm chuan Special Assembly emaw Special Area Conference emaw vawikhat aia tam pawh koh theih a ni ang.

Tin, Committee inkhāwm erawhchu Headquarters aṭangin Area leh Unit thlengin a tûl hun apiangin neih a ni ang.

15. Rorelnaa thu tihtluk dan :

Assembly emaw Headquarters aṭanga Area leh Unit thlengin rorēlnaa ngaih-dân inkalh a awm loh chuan, bân phara vote la kher lovin, remtihna riva (voice

vote) in thu tihtblûk theih a ni ang a; ngaihdân hrang hrang a awm erawh cbuan bân phara vote lâk a ni ang a, bân pher tam lam lam ngaihdân chu thu tlûkna a ni ang.

Tin, ngaibdân hrang vote a lo inzât chiah erawh chuan Inkâwmnaa Chairman, tihtlûkna (Casting vote) a pe tħin ang.

BUNG V SUM LEH PAI LAM

15. Pâwl lo ding chhuakte rēng rēng hian, sum leh pai nei lo chuan hna an thawk chak thei lovin, an tħangkai tûr angin an tħangkai thei lovang tih hriat a ni a.

Chuvângin Z.U.P. pawh hian Unit aṭanga Area leh Headquarter thlengin sum leh pai a mamawh a; chung mamawh phuhrûk tûra tihdân tûr chu betiang hi a ni ang :—

(1) Unit :

- (i) Z.U.P. Unit te chuan, he pâwla Member lût thar apiang hnêñ

aṭangin, pâwla tel man (Admission fee) Re 1/- (chêngkhat) leh Annual fee Re 1/- an la ang a.

- (ii) Chu mi bâkah Annual Fee member tin hnêñ aṭangin Rs 1/- (chêng khat) zêl kum tinin an la bawk ang.
- (iii) Admission Fee leh Anoual Fee an lâk zawng zawng chanve chu an mamawhnnaa an hman ve tûr a ni ang a; a chanve lehlam chu Headquarters-ah an thehlût ziah ang.
- (iv) An Fee dawn chanve an lâk bâkah, Unit chuan mamawh zual bik an neih chuan, an unit committee remtih dân emaw, Area leh Headquarters lam remtih angin thawhlâwm khawn emaw, pawisa dehchhuahna kawng dang emaw an ngaihtuah thei ang.

(2) AREA :

- (i) Area-in sum leh pai lam a mamawh chu an bial chhüng unit aṭangin Area tâna thawhlâwm

an khawn thei ang, pêk tûr zât
bituk erawh a awm lovang a,
a theih ang zât apiang pêk a
ni ang.

- (ii) Area committee chuan Unit
aṭanga thawhlâwm andawn bâk-
ah a mamawh dân azirin sum
leh pai hmuhnâ kawng an dap
thei bawk ang.

(3) HEADQUARTERS :

Z.U.P. Headquarters sum leh pai
hmuhnâ chu :

- (a) Unit aṭanga Admission fee leh
Annual fee a chanve Unit-in
an rawn theh luh te,
- (b) Thawhlâwm khawn te,
- (c) Mi tlâwmngai leh thil phalte'n
an rawn pêk te,
- (d) Sorkâr ḫanpuina andawn apiang
te chu a ni bawk ang.

17. Z.U.P. SUM LEH PAI THUA MAWH- PHURHNA LEH TIHDAN TUR KALHMANG :

- (i) Pâwl pawisa leh Jâkluh rêng rêng
chu dik tak leh fel tako enkawl leh

thiam taka hman a mamawh a. Pâwl pawisa enkawl leh vawnfel tbuah Headquarters aṭanga Unit thlengin Treasurer leh Financial Secretary te'n mawh an phur a ni.

- (2) Pâwl tâna sum leh pai dehchhuah lamah chuan Treasurer leh Financial Secretary chauh ni lovin, mahni zâwl theuhah Committee-in mawh a phur ang.
- (3) Sorkâr dân leh khawtlâng dânin a khap thilte chu pawisa hmuhna hlâwk tak pawh ni teh rêng mah sela, pâwl tâna sum leh pai tuak nâna hman hauh loh tûr a ni.
- (4) Pawl pawisa hmanral dan kalhmang:
 - (i) Headquarters aṭang Unit thlengin, Pâwl thila lehkhabu leh ziakloh te, lehkha thawn tûr buatsaihna thil atânte chuan President leh Secretaryte'n pâwl pawisa an kawl chu a ṭûl dân angin an hmang thei ang.
Pâwl thil atâna hmanna ṭûl dangte a awm cbuan a committee theuhte remtibnaa hman tûr a ni.

Tin, President leh Secretary te chuan hman tûl thutna a awm a, chhan tha tâwka an ngaih chuan pâwl pawisa chu an lo hmang ang a; a hma thei ang berin an committee remtibpuina an la leh tûr a ni.

- (ii) Treasurer leh Financial Secretary te hian pâwl pawisa lût leh chhuakte fel tak leh dik takin Account buah an ziak thlap zêlang a; pawisa dawnna Receipt leh hmanna lam ziakna (voucher) te an neiin an vawng thlap bawk ang. Endik theihin pawisa lût leh chhuak ziakna chu an vawng tûr a ni.
- (iii) Treasurer kut ajango pawisa la chhuak tûr chuan President emaw Secretary emawte'n lâk theihna tûra an ziak chauhvin lâk chhuah theih a ni ang.

18. PAWL PAWISA HMUH DAN LEH HMANRAL DAN ENDIK THU :

- (i) Pâwlin sum leh paia hmuh dân leh a hman dânah tih diklo a awm theih tbin avângin, kum tinin endik

(Audit) a ngai a. Headquarters te, Area te, Unit te pâwhin tangka kum tâwpah pâwl tangka lam ziakna bu endik ziah tûr a ni,

(ii) A endiktu tûr (Auditors) atân mahni committee Ბbeuh kbân mi pahnih endik hna thiama an ngaihte an ruat ang a, pâwl Accounts chu an endikin a committee-ah report an pe tûr a ni.

(iii) Tangka kum:

Pâwl pawisa lam thuab, Tangka Kum (Financial Year) chu January ni khat aṭanga December ni 31 a ni ang. Calender kum hi zawm a ni ang.

BUNG VI

19. PAWL KUM LEH HMAN DAN :

Pâwl kum atân January ni l aṭanga December ni 31 (Calender Year) hman tûr a ni.

Amaherawhchu, Office Bearer te leh committee member te ḣan hun chhûng



(Terms) hi, January thla tîr chiaha a thar thlanna tûra Assembly emaw, Conference emaw koh a remchân loh theih avângin kha mi ̄tan hun chhûng kha thla hnîh/khatin a rei emaw, a tawi emaw a ni thei.

20. Z.U.P. DAN BU SIAM THAT THU :

- (i) Z.U.P. dinhmun leh kalhmanga zirin, Pâwl Dân Bu (Constitution) siam-that a ̄tûl châng a lo awm thei a. Chutiang hunah chuan Headquarters Executive Committee-in a ̄tûl dân angin Dân Bu chu a lo siam tha ang a; Assembly inkhâwm lo awm hmasa bera nemngheh a ni ang.

Tin, Headquarters Executive Committee-in Dân Bu a lo siam that chu Assembly-in a pawmpui theih loh chuan a ̄thiatin a tidanglam leh thei ang. Assembly-in a rôl ang chu Z.U.P. Dân Bu atâna rin tûr a ni tawh zâwk ang.

- (ii) Pâwl Dân (Constitution) thu hrilh-fiah dâna inhnialna a awm chuan, Headquarters Executive Committee hrilhfiabna chu thu tâwp a ni ang.

**21. Lebkhabu emaw Pamphlet emaw chhuah
thu :**

Tupawhin, Zoram Upa Pâwl chung-châng, Lehkhabuin emaw Pamphletin emaw chhuah lo duh sela, Headquarters remtihna lâk hmasak zêl tûr a ni; chutiang ni lova, mahni thua lo chhuahtu chuan, Dân a bawhchhia a ni a, a thiltih a zirin a chungthu ngaihtuah a ni ang.

Kan chanchin tihlár nân leh kan mite fuihna thu emaw miten chhuah châkna rilru an neih chuan, hei hi thil lâwmawm tak a ni ang a, amaherawchu a thiltih tum dânte chu a hmain Headquarters lamah phalna a la hmasa tûr a ni e.



MIZORAM STATE LIBRARY

Acc. No .. .
Acc. by .. .
Class. by .. .
Cata. by .. .
Sub. Heading .. .
Transcriber by .. .
Location No .. .